



**Broj/Broj: 02 –50 –1-67-39/'05
Sarajevo/Sarajevo: 22.3.2005.god**

**ZAPISNIK
39. sjednice Doma naroda
Parlamentarne skupštine Bosne i Hercegovine,
održane 22. marta 2005. godine**

Sjednica je počela u 11,30 sati.

Sjednicom je predsjedavao predsjedavajući Doma naroda Parlamentarne skupštine Bosne i Hercegovine Velimir Jukić.

Na sjednici je bilo 13 delegata.

Delegat Halid Genjac je opravdao izostanak.

Osim delegata, na sjednici Doma naroda bili su: predstavnici međunarodnih organizacija i predstavnici sredstava javnog informisanja.

Dom naroda usvojio je sljedeći

DNEVNI RED

1. Odgovori na delegatska pitanja i delegatska pitanja;
2. Zapisnik sa 38. sjednice Doma naroda;
3. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o državnoj službi u Bosni i Hercegovini, po hitnom postupku, u skladu sa članom 99. Poslovnika Doma naroda
4. Izjašnjavanje Doma naroda o zahtjevu Vijeća ministara za razmatranje Prijedloga zakona o konkurenciji po hitnom postupku, u skladu sa članom 99. Poslovnika Doma naroda
5. Rezolucija o prihvatanju obaveza Otavskog dokumenta s programom djelovanja međunarodne konferencije o populaciji i razvoju (ICPD) iz 2002. godine – predlagač Halid Genjac
6. Davanje saglasnosti za ratifikaciju Konzularne konvencije između Bosne i Hercegovine i Republike Turske
7. Davanje saglasnosti za ratifikaciju Sporazuma između Vijeća ministara BiH i Republike Italije o uzajamnom regulisanju međunarodnog drumskog prevoza putnika i tereta
8. Popuna mjesta iz reda srpskog naroda umjesto Nadeta Radovića u Interparlamentarnu grupu pri Interparlamentarnoj uniji

Ad-1. Odgovori na delegatska pitanja i delegatska pitanja

Odgovor na dva delegatska pitanja je dobio Goran Milojević

Goran Milojević se nije izjasnio da li je zadovoljan odgovorom s obzirom na to da nije dobio cjelovite odgovore.

Delegat Tomislav Limov postavio je sljedeće pitanje Vijeću ministara BiH i Predsjedništvu BiH

1. Ko je odgovoran što ni do danas nije realiziran Prvi zaključak 12. sjednice Doma naroda Parlamentarne skupštine BiH kojim je Vijeću ministara BiH i Predsjedništvu BiH utvrđena obaveza da u prvom kvartalu 2004. godine u tekst dokumenta «Sigurnosna politika BiH» ugrade reformska rješenja iz područja sigurnosne politike i dostave Dokumentu Domu naroda na usvajanje?
2. Koji su dužnosnici i tijela na entitetskoj i na razini Bosne i Hercegovine opstruirali do sada proces popune ljudstvom u Ministarstvu odbrane BiH, Glavnom stožeru Oružanih snaga BiH i u Operativnom zapovjedništvu BiH?
3. Polazeći od toga da je kadrovska popuna državnih obrambenih institucija, uz učinkovit nadzor nad Oružanim snagama na državnoj razini i potpuna saradnja s Haškom tribunalom, nezaobilazan uslov za pristupanje Bosne i Hercegovine NATO-vom Programu Partnerstvo za mir (PFP) jesu li opstrukcije posljedica dogovora nositelja ključnih dužnosti u aktualnoj vlasti ili je to proizvod nesposobnosti upravljanja dinamikom reformi od čije provedbe presudno ovisi približavanje Bosne i Hercegovine evropskim i evroatlanskim integracijama?

Delegat Osman Brka postavio je sljedeća pitanja Vijeću ministara BiH i Sudu BiH

Ko osigurava troškove rada i sredstava za plaće tužilaca u Tužiteljstvu Bosne i Hercegovine koji su strani državljani?

Ko osigurava troškove rada i sredstava za plaće sudija u Sudu Bosne i Hercegovine koji su strani državljani?

Molim odgovore poimenično.

Delegat Branko Zrno postavio je sljedeće pitanje Vijeću ministara BiH

Mogu li se na taj način prolongirati Zakon i zakonom utvrđeni rokovi, a sve mimo Parlamentarne skupštine BiH i zakonom utvrđene procedure?

Ad-2. Zapisnik sa 38. sjednice Doma naroda

Zapisnik sa 38. sjednice Doma naroda jednoglasno je usvojio.

Ad-3. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o državnoj službi u Bosni i Hercegovini, po hitnom postupku, u skladu sa članom 99. Poslovnika Doma naroda

U diskusiji su učestvovali: Mustafa Pamuk, Ilija Filipović, Hasan Čengić, Boško Šiljegović Hilmo Neimarlija i Zlatko Akšamija, predstavnik Agencije za državnu službu.

Dom naroda jednoglasno je usvojio zahtjev Vijeća ministara za razmatranje Prijedloga zakona o izmjenama i dopunama Zakona o državnoj službi u Bosne i Hercegovine po hitnom postupku, u skladu sa članom 99. Poslovnika Doma naroda.

U okviru ove tačke dnevnog reda klubovi naroda su postigli saglasnost da se tačke dnevnog reda neće razmatrati ukoliko nije prisutan predlažać.

Ad-4. Izjašnjavanje Doma naroda o zahtjevu Vijeća ministara za razmatranje Prijedloga zakona o konkurenciji po hitnom postupku, u skladu sa članom 99. Poslovnika Doma naroda

Dom naroda se nije izjašnjavao o ovoj tački dnevnog reda s obzirom na to da predlagač Prijedloga zakona nije bio prisutan.

Ad-5. Rezolucija o prihvatanju obaveza Otavskog dokumenta s programom djelovanja međunarodne konferencije o populaciji i razvoju (ICPD) iz 2002. godine – predlagač Halid Genjac

U diskusiji je učestvovao Hilmo Neimarlija

Dom naroda jednoglasno je usvojio u identičnom tekstu kao i Predstavnički dom Rezoluciju o prihvatanju obaveza Otavskog dokumenta s programom djelovanja međunarodne konferencije o populaciji i razvoju (ICPD) iz 2002. godine

Ad-6. Davanje saglasnosti za ratifikaciju Konzularne konvencije između Bosne i Hercegovine i Republike Turske

Dom naroda se nije izjašnjavao o ovoj tački dnevnog reda s obzirom na to da predlagač nije bio prisutan.

Ad-7. Davanje saglasnosti za ratifikaciju Sporazuma između Vijeća ministara BiH i Republike Italije o uzajamnom regulisanju međunarodnog drumskog prevoza putnika i tereta

Dom naroda se nije izjašnjavao o ovoj tački dnevnog reda s obzirom na to da predlagač nije bio prisutan.

Ad-8. Popuna mjesta iz reda srpskog naroda umjesto Nadeta Radovića u Interparlamentarnu grupu pri Interparlamentarnoj uniji

Dom naroda jednoglasno je izabrao Vinka Radovanovića, iz reda srpskog naroda, u Interparlamentarnu grupu BiH pri Interparlamentarnoj uniji.

Sjednica je završena u 12,45 sati.

Sastavni dio ovog zapisnika je neautorizovani transkript sjednice.

**SEKRETAR
DOMA NARODA**
Jadranko Tomić

**PREDSJEDAVAJUĆI
DOMA NARODA**
Velimir Jukić